


Warmakunapaq Chuya Qellqa

Diospa tukuy
imakunatapas
unanchasqanmanta



Kaytam qellqaykamurqa: Edward Hughes

Dibujonkunatam ruwaykamurqa: Byron Unger; Lazarus
Alastair Paterson

Warmakunapaq hinam tupaykachimurqa:
Bob Davies; Tammy S.

Siminchikmanmi tikraykamurqa: Hugo Garay Auccpuylla

Qamkunamanmi chayaykachimusunkichik:
Bible for Children
www.M1914.org

©2020 Bible for Children, Inc.


Autorizasqam kankichik kay yachachikuykunata mirachispa hukkunaman
chayachinaykichikpaq, ichaq manam imaraykupas rantikuwaqchikchu.




¿Pitaq unanchawarqanchik? Chuya Qellqa
utaq Diospa siminmi willawanchik imaynam runakuna
paqarisqanmanta. Tukuy imapas unanchasqanpa
qepantam, punta kaq runata Diosninchik
unancharqa, hinaspanmi Adán
nispa suticharqa.



Diosmi Adanta ñutu allpamanta ruwarqa, hinaspanmi kawsayta senqanpi pukuykuptin kawsarqaña. Adanmi Edén sutiyuq huertapi yacharqa.



Manaraq Adanta paqarichichkaspanmi, kay
pachata Diosninchik unancharga hinaspanmi
tukuy suma-sumaq kaqkunawan huntaykurqa.



Orqokunatapas pampakunatapas, miskillaña
asnariq waytakunatapas, hatun sachakunatapas,
tukuy rikchaq urpichakunatapas, miskita ruwaq
abejachakunatapas, qasqonpa puriq animalkunatapas,
allpapi puriq animalkunatapas lamar gochapi
animalkunatapas Diosmi atiyninwan



The illustration depicts a vibrant landscape. In the background, there are several orange and red hills or mountains under a clear blue sky. A dark brown whale is swimming in a blue body of water on the right side. In the foreground, there's a green grassy area with a red bird flying towards the left. On the right, there are yellow flowers and two bees. A small red heart is visible in the bottom right corner.


ruwarqa. Chaynatam Diosqa
tukuy imakunatapas unancharqa.

Tukuy imapa qallariyninpiqa, manaraq
imatapas Dios unanchaptinqa,
manam imapas karqaraqchu.

Runakunapas chaynataq
tukuy imakunapas
manam karqaraqchu
aswanqa Diosllam.

Manam achkipas nitaq
tutayaypas karqachu,
nitaqmi achikyaypas
nitaq tutaykuypas
karqachu aswanqa Diosllam.


Payqa mana qallariyniyuq nitaq
tukupayniyuqmi. Paymi tukuy
imakunatapas ruwayta gallaykurqa.



Tukuy imapa gallariyinpim hanaq
pachakunatawan kay pachata
Dios unancharqa.




Kay pachaqa mana
imayuq hatun chaqwam
karqa, tutayaypa
hinaspa uku-uku
lamar qochapa
pampasqanmi
karqa, ...




... Diospa
Espiritunñataqmi
yakukunapa
hawanpi
muyurqa.



Diosmi nirqa: Achkiy kachun, nispa. Hinaptinmi achkiy karqa. Diosmi achkiyta "Punchaw" nispa suticharqa, tutayaytañataqmi "tuta" nispa. Hinaptinmi tardeykuymanta paqarinnintin tardeykuykama punta kaq punchaw karqa.



Iskay kaq punchawpim, lamar gochapi
yakukunamanta altomanta chayamuq yakukunata
rakinarqa. Kimsa kaq punchawpiñataqmi chaki allpa
rikurinanpaq Dios kamachirqa, hinaptinmi chayna
karqa.



Diosmi kamachikurqa pastokunawan waytakuna
hinaspa sachakuna rikurinanpaq, chaymi
paqarirqaku. Hinaptinmi
tardeykuymanta
paqarinnintin
tardeykuykama kimsa

kaq punchaw karqa.

Chaymantam intitawan killata
hinaspa manaña yupay atina
chaskakunata Dios unancharqa.
Hinaptinmi tardeykuymanta
paqarinnintin tardeykuykama
tawa kaq punchaw karqa.



Chaymantam lamar
qochapi challwakunata
hinaspa alton paqaq
urpikunata Dios
unancharqa. Pichqa
kaq punchawpim tukuy
rikchaq challwakunata
chaynataq rikchaq
mana urpikunatapas
unancharqa.



Chay challwakuna
unanchasqanwanmi lamar
qochapi yakukunatawan
allpa pachapi yakukunata
huntaykurqa, llapa
urpikunawanñataqmi
allpa pachata
huntaykurqa, chaynatam
kay pachata tukuy rikchaq
animalkunawan huntaykurqa.
Hinaptinmi tardeykuymanta
paqarinnintin tardeykuykama
pichqa kaq punchaw karqa.



Chaymantam Dios nirqa: Allpamanta paqarimuchun castanman hina tukuy rikchaq animalkuna, nispa. Hinaptinmi tukuy rikchaq animalkuna, pauaq urukuna, qasqonpa puriq urukuna rikurimurqa. Castanman hinam llasa-llasaq elefantekunapas, allpata uchkuq castorchakunapas, tukuy rikchaq monokunapas, manchakuypaq cocodrilokunapas, utuskuruchakunapas, chaynataq wiskachachakunapas rikurimurqa. Diosmi chay punchawpi tukuy rikchaq animalkunata unancharga.



Hinaptinmi tardeykuymanta
paqarinnintin tardeykuymanta soqta
kaq punchaw karqa.



Hina soqta kaq punchawpim, tukuy imam unanchasqanpa hawanpi munaychakuqta unancharqa. Runata manaraq unanchachkaspanmi paypaq tukuy imata allicharqa. Chaymantam Dios nirqa: Runatayá ruwasun ñoqanchikman rikchakuqta, ñoqanchik kallata; chaynapi kay pachapi tukuy imam unanchasqapa hawanpi munaychakunanpaq, nispa. Chaynatam runata kikinman rikchakuqta Dios unancharqa.



Runatam kaynata Dios
kamachirqa: Huertapi
llapallan sachapa
ruruntam mikunki,
allin kaqta chaynataq
mana allin kaqtapas
reqsinapaq sachapa
ruruntam ichaqa ama
mikunkichu,
mikuruspaykiqa
wañurunkipunim,
nispa.



Chaymantam Dios nirqa: Manam
allinchu qaripa sapallan kayninga,
yanapaqnintayá ruwarapusaq, nispa.
Hinaspanmi allpamanta unanchasqan
animalkunata Adanman Dios
pusamurqa, Adanñataqmi llapallan
animalkunata suticharqa.



Runaqa chayna anchapas
yachayniyuqmi karqa,
chaywanpas Adanpa vida
pasaq masin hinaqa manam
alton paqaq urpikunapipas
nitaq purun animalkunapipas
tarikurqachu.





Chaymi Adanta Dios
sinchita puñurachirqa.
Puñunankamam huknin
costillanta hurqoruspan huk
warmita unanchaykurqa.
Diosmi chay warmita
unancharqa Adanpa
vida pasaq masin
kananpaq.



Soqta punchawpim tukuy
imakunatapas Dios unancharqa. Qanchis
kaq punchawtañataqmi sapaqchaspan
samana punchaw kananpaq akllaykurqa.
Adanwan warmin Evam Edén sutiyuq
huertapi yacharqaku, chaypim Diosta
kasukuspanku ancha kusisqa

kawsakurqaku.



Diosmi paykunapa Taytanku karga,
paytaqmi kusisqa kawsakunankupaq
tukuy imatapas qorqa, chayraykum
Dioswan huklla kawsargaku.



Diospa tukuy imakunatapas unanchasqanmanta

Kay willakuyqa Diospa siminpa utaq Chuya
Qellqapa partenmi

Kay willakuymi tarikun

Génesis qellqapa gallariy kaq rakinmanta
iskay kaq rakinkama

"Simikimanta yachachikuykunaqa achkirinmi."
Salmo pachak chunka isqonniyuq rakinpa pachak
kimsachunkan patachaynin





Tukupaynin



Kay willakuymi tukuy atiyniyuq Dioninchikmanta rimapayawanchik, payqa unanchaqninchikmi, chayraykum reqsiykunaykita munan.

Diosqa yachanmi mana allinkunata ruwaq kasqanchikta, chaykunatam hucha nispa sutichan. Huchapa pagonqa wañuymi, chaywanpas Diosmi anchata kuyasusqaykirayku sapallan churin Jesusta kachamurqa, paymi huchaykimanta castigasqa kaspan cruzpi chakatasqa wañurqa.

Chaymantam, wañusqanmanta kawsariramuspan hanaq pacha wasinman kutirqa. Sichum Jesuspi iñikuspa huchaykikunata pampachaykunapaq mañakunki hinaptinqa pampachaykunqam, hinaspanmi qampiña kawsakunqa, qampas paypiñataqmi wiñaypaq kawsakunki.

Sichum chay cheqap kasqanta iñinki hinaspaqa, Diostayá kaynata mañakuy: Ancha kuyakuq Jesús, iñinim qamqa Dios kasqaykita, huchaykunaryku wañunaykipaqmi runayaykurqanki, chaywanpas kunanqa kawsachkankim. Mañakuykim sonqoyman yaykuykuspa huchaykunata pampachaykunaykipaq, chaynapi musoq kawsayniyuqña kaspay qanwan huk punchaw wiñaypaq kawsakunaypaq. Qampa churiki hina kawsaspay simikita kasukunaypaq yanapaykuway. Amén.

Chuya Qellqata qawaspaykiyá Dioswan sapa
punchaw parlay. Juan 3:16

